


畿輔通志 二十四之六

陽明文庫圖書  
七號  
共二冊  
學習院圖書館

近藤  
5-86  
キ2





畿輔通志卷之第二十四

忠烈名臣

近衛本

李同

高漸離

樊於期

沮授

三國

王經

南北朝

祖皓

京諒

崔楷



莫高哭  
读书中文网发行  
<http://bbs.rbook.net>

鮮于世榮

隋

盧楚

游元

唐

許遠

南霽雲

盧奕

張興

孔巢父

陽惠元

五代

王思聞

宋

高彥暉

張旦

董元亨

傅察

郭忠孝

郭永

李升

李若水

楊粹中

張世傑

遼

韓紹勛

金

路鐸

納合蒲刺都

傅霖

和速嘉安禮

馬肩龍

蘇椿

王毅

毛佺

畢資倫

元

董俊

鞏彥暉

陳祐

郭嘉

劉天孚

王士元

周宏

張桓

李齊

趙弘毅

明

陳聚

侯保

杜奇

朱鑑

馬宣

侯泰

茅大芳

卓敬

儲福

江洪

黃綬

曹飛

孫剛

王敬

周賢

吳瑾

寇深

周一東

周麒

霍恩

李良

孔環

王鎮

宗禮

劉傳

李綸

楊繼盛

高敏學

周鏜

李涑

劉海

梁心

張汶

馬從聘

耿循樓

薛一鶚

高光重

張純儒

張世忠

王循長

胡淵

王世琇

李乘雲

高甲

侯君擢

靳聖居

王喬棟

李耿

曹鳴鸚

張國光

王之統

許純誠

李昌期

王猷懋

司五教

楊家龍

朱之馮

孟兆祥

孟章明

金鉉

申佳胤

成德

張慶臻

衛時春

劉文炳

梁清宏

賀瓚

高文彩

李若璉

劉一松

張國維

張羅俊

張羅彥

金毓峒

尹洗

呂應蛟

劉忠嗣

賀秉鉞

史可法

國朝

賈士璋

李之實

劉之屏

李昌汴

袁生芝

宋永譽

邵炳元

李芳澂

劉璇

楊三知

陳宗瞻

陳上年

王任杞

張國寶

王辛

袁捷

王嘉禎

忠烈名臣

周

李

同

趙邯鄲人秦圍邯鄲急平原君患之同勸  
平原君從之得敢死士三千同遂與俱赴秦軍  
秦軍為之却三十里亦會楚魏救至秦兵遂罷  
同戰死封  
其父為侯

高漸離

燕人荆軻既至燕愛漸離日與飲于燕市  
酒酣漸離擊筑軻和歌燕市中相樂也已

而相泣傍若無人者後軻為太子入秦報仇太  
子及賓客知其事者皆白衣冠送至易水之上  
漸離擊筑軻和而歌變徵之聲士皆涕泣復為  
羽聲士皆瞑目髮盡上指冠及軻事不就被殺  
漸離變姓名為庸保于宋子久之作苦聞其家  
堂上客擊筑傍徨不能去每出言曰彼有善有  
不善從者以告其主曰彼庸乃知音竊言是等  
主人召使前擊筑一坐稱善賜酒而漸離念久

隱畏約無窮時乃出其裝匣中筑與其善衣更容貌而前舉坐皆驚下與抗禮以為上客使擊筑而歌客無不流涕而去者始皇聞之召見惜其善擊筑赦之矐其目使擊筑未嘗不稱善稍益近之漸離乃以鉛置筑中復進得近舉筑扑始皇不中遂被誅

樊於期

燕人為秦將得罪復歸燕燕太子丹遇之以報秦於期即就死事詳史記

漢

沮

授

廣平人少有大志多權畧獻帝時舉茂才袁紹辟為別駕從事授勸紹迎大駕復洛邑紹在河東授又說紹迎大駕俱不能用紹出長子譚於青州授力諫不聽紹將攻曹操與田豐力諫復不聽紹臨發授知必敗會其宗族散貨財以與之及紹眾大潰授為人所執請曹大呼不降操卒厚待之後以謀還袁氏見殺

三國

王

經

字彥偉清河人稱冀州名士為魏江夏太守大將軍曹爽附絹二十疋令交市于吳經不發書棄官歸後復起歷二州刺史司隸校尉時司馬氏當國二世不臣之跡已著高貴鄉公徒膺虛器見威權日去積不能堪率左右往收之反為成濟所弒于是司馬昭歸罪成濟殺之寃治其事事連經遂被收遇害晉武帝太始元年詔書故尚書王經雖身陷法辟然守志可嘉門戶湮沒意常愍之賜經孫郎中

南北朝

祖

皓

涑水人志節慷慨有文武畧大同中為江都令拜廣陵太守侯景陷臺城皓在城將遇害逃走江西百姓感遺惠匿之廣陵人來寢告皓曰逆豎滔天王室如燬正義夫發憤之秋君世荷國恩又不為賊所容逃竄草間危如累碁董紹先雖景心腹輕而無謀况新克此州人

情不附襲而破之一壯士力耳如其克捷百代之下猶為梁室忠臣皓曰僕所願也乃糾勇耿光等襲殺紹先推前太子蕭劬為刺史結東魏為援馳檄討景景懼即日率侯鑒等攻之城破皓見執被縛箭射遍體車裂以

京

諒

字修賢河間府人少好學多識強記居喪以孝聞太和末京兆王愉開府辟召孝文

妙簡僚佐諒與隴西李仲尚趙郡李鳳起等同時應選正光中加驍騎將軍為徐州行臺至彭城屬元法僧反逼諒同之不從見害贈使持節平北將軍幽州刺史謚曰忠侯

崔

楷

字季則辯子性嚴烈能摧挫豪強時人語曰莫豸獬付崔楷後調殷州刺史州賊蠡

起陷城楷不屈被害贈侍中

鮮于世榮

漁陽人沉敏有氣幹仕北齊為太子太傅周武帝入代遣以瑪瑙酒鍾世榮得

即碎之周兵入鄴諸將皆降獨被執不屈而死

隋

盧

楚

范陽人祖景祚魏司空丞楚性鯁直有才畧仕至尚書左丞時與元文都同心輔政

及王世克為亂或呼楚同去楚曰僕與王公有要社稷有難誓以俱死今舍去不義後遂被害

游

元

順德人父寶藏位至太守元少聰敏仕周歷壽春令譙州司馬俱有能名隋煬帝時

為治書侍御史遼東之役宇文述等敗績元按其獄以公正稱奉使黎陽督運楊玄感作逆元以正言論之為所囚竟不屈節而死詔贈之官其子

唐

許

遠

高陽人天寶末祿山之亂與張巡同守睢陽城陷抗節而死事詳唐書

南

霽雲

涿州人善騎射天寶末祿山反張巡守睢陽圍急募萬死一生者有人暗鳴而來乃霽雲也巡遣求救於賀蘭進明進明無出師意且愛霽雲勇壯具食延之霽雲不食拔劍斷一

指示信一座大驚霽雲即出城抽矢射佛寺浮屠着其甄曰吾歸破賊即滅賀蘭此矢所以志也後睢陽城陷巡呼曰南八男兒死爾不可為不義屈霽雲笑曰欲將有為也公知我者敢不

盧

奕

滑州人懷慎少子天寶末為御史中丞安祿山陷東都奕潛遣妻子懷甲問道走京師自朝服坐臺被擒將殺之即數祿山罪曰為人臣者當識逆順我不陷失節死何恨觀者恐懼奕臨刑西向再拜罵賊不絕口

張

興

東鹿人悍趨而辯為饒陽禪將祿山反攻思明引眾搏城與環甲持死賊皆氣懾城破思明縛之馬前好謂曰將軍壯士能屈節當受高爵對曰昔嚴顏一巴郡將猶不降張飛我大郡將安能委身逆寇今日幸得死然願以一言為誠思明日云何興曰天子遇祿山如父子今乃

反大丈夫不能為國掃除反為其下何哉思明怒鋸解之且死罵曰吾能哀疆死兵敗賊眾軍

中凜然為改容

孔巢父

字弱翁冀州人孔子三十七世孫少力學

政張叔明陶汚號竹溪六逸後使李懷光遇害子戮官至禮部尚書孫緯尚書左僕射

陽惠元

平州人為西京兵馬使朱泚反自河朔赴

血戰而死贈僕射

五代

王思閏

幽州人後唐明宗時為京兆尹西京留守

珂所執責曰罪可逃乎思閏曰非不知從王得生恐死不能見先帝於地下從珂愧竟害之

宋

高彥暉 漁陽人仕周為耀階二州刺史太祖時從

暉討之力戰而死

張旦 趙州人以經學為國子監博士淳化中知

陵州時李順構亂旦修完戰具寇不敢犯

真宗即位遷兵部員外郎知德清軍景德中契

丹入寇與子利涉率眾奮擊並戰歿上聞之驚

悼贈左衛大將軍深州團練使利涉崇儀副使

錄其四子官時有上封事者言朝廷宜優加恩

恤且事告諭天下

董元亨 深州人累官國子博士通判貝州王則據

城叛元亨坐廳事賊黨排闥而入左右皆

奔潰賊脅元亨索軍資庫鑰元亨據案

厲聲罵賊遂被害事聞贈太常少卿

傳 察 內黃人宣和七年以太常少卿使金賀正

旦回至境上遇幹離不協之降不拜左右

猝之反覆辯論不

屈遂遇害謚忠肅

郭忠孝 真定府人受易中庸於程頤以父任補官

登進士第累官河東路提舉靖康初召為

軍器少監力陳和議之非改永興軍路提刑獄

金人入寇與經畧唐重分城拒守城陷死之

郭永 元城人剛明勇決博通古今家藏萬卷仕

為丹州司法叅軍遷河東提點刑獄金人

犯大名宗澤檄永為戰守具城陷永瞋目大

罵闔門死難紹興初贈資正殿學士謚勇節

李升 永年人以進士起家為吏有廉名靖康中

金人破汴以進士起其父升前捍之與父俱

死子椿奉繼母避地南走仕為吏部侍郎知太

平州以敷文閣侍制致仕曾孫芾死節於潭州

李若水 洛州曲周人入寇選若水為太學博士靖

康初金人入寇選若水為使見粘罕於雲

中纔歸兵已南下及粘罕攻汴以若水為吏部

尚書金人邀帝出郊計中變逼帝易服若水抱

持而哭詆金人為狗大

罵不屈遂遇害謚忠愍

楊粹中 真定人建炎初知濮州時金人大入攻城

粹中固守月餘城陷粹中登浮圖不下粘

罕

幾甫人勿忘

宋之第三十四 忠烈名臣

罕嘉其忠義許以不死粹中竟不屈而死事開贈徽猷閣待制

張世傑 范陽人少從張柔成杞有罪遂奔宋呂文德召為小校累官至保康軍節度使知平

江召入衛元兵至臯亭山遣使說降世傑斬其使及衛王駐崖山元張洪範得世傑甥韓某使

招之世傑不聽洪範攻崖山陸秀夫抱衛王投水死世傑以小舟奉楊太后脫去欲求趙氏立

之遇颶風世傑仰天呼曰天不欲存趙祀則風覆吾舟舟遂覆

遼

韓紹勛 東安人任東京戶部會大延林叛被執不屈賦以解之而死

金

路鐸 字宣叔真定人與弟鈞和叙俱有重名而宣叔文最奇尤長於詩章宗時為太定軍

節度副使改東平府治中嘗述十二訓以教民歷官臺諫有古直臣風諫章宗元妃李氏兄弟

怙寵納賂將有楊國忠之禍坐除各宜宗貞祐初起為孟州防禦使城陷投沁水死有虛舟居

士集若千卷

納合蒲刺都 大名路猛安人承安時進士調大名路教授累官河州防禦使夏人圍定

二年蒲刺都擊走之入為戶部尚書與定羌蒲刺都破力戰而死贈御史大夫

傅霖 玉田人第進士累官至崇義軍節度副使行部臨潢歿於兵子輔之亦第進士授榮

陽令元兵壓境抗節不屈死

和速嘉安禮 本名酌大名路人登進士為泰安州刺史元兵至城破被執初不識其為

誰或妄以酒監對安禮曰我刺史也何以諱為使之跪安禮不屈遂以戈撞其胷而殺之詔贈

泰定軍節度使謚堅貞

馬肩龍 宛平人有能賦聲初在太學嘗辨各將從坦殺人之冤時論義之後德順受圍州將

後補人勿志

忠烈名臣

假肩龍鳳翔判官守禦一委任之受攻  
百日食盡乃陷遂遇害詔配食褒忠廟

蔣椿 大名人以元帥守許州時元兵南下至許  
節度使石倫遣提控高珪斥候珪降元引

大兵至城下使韓壽孫持檄招降椿斬之  
既而城陷椿被擒元將怒其不屈殺之

王毅 大興人第經義進士累官東明令貞祐末  
東明圍急毅率民兵願戰者數十人拒守

城破率眾抗戰力窮被執縣人王八欲降之毅  
厲聲曰忠臣不事二主驅毅者以刀斫其頸不

屈而死

毛佺 恩州人貞祐中為盜宣宗南渡率眾歸國  
置為義軍招撫哀宗遷蔡以佺為都尉圍

城之戰佺力居多城破  
自縊其子先佺戰歿

畢資倫 縉山人也金崇慶初木虎高琪鎮縉山選  
資倫為防城軍千戶至寧元年秋元兵至

高琪棄城遁資倫行及昌平收民兵轉戰有功  
擢授都統軍與將領沈思忠屯鄭衛時號沈畢

軍積功至都總領又以兩奪梅林關授同知昌  
武軍節度使宣差總領都提控既而樞密院以

資倫思忠不相能恐敗事令資倫統本軍屯泗  
州與定五年春泗州提控王祿軍中宴飲宋兵

乘隙襲破之資倫為宋軍所執以見統制時青  
青說之曰爾奇男子宜達時變金國勢衰弱肯

降宋亦不負爾資倫曰我出身猥賤今官至三  
品不幸失城愧不能報而從汝求生耶青知無

降意下盱眙獄脅誘百方終不屈及蔡州破金  
哀宗自縊宋人以告資倫資倫嘆曰吾無所望

矣容我一祭故君乃降宋  
人許之祭畢大哭投江死

元

董俊 藁城人少力田長涉書史善騎射金末歸  
元以功累官左副元帥大小百戰無不克

捷後圍金主於歸德力戰而死俊不妄殺  
故人樂為之用後追封壽國公謚曰忠烈

鞏彥暉 易州人與兄彥榮俱以武勇稱初彥榮以  
百夫長隸千戶何伯祥麾下累有戰功後

後補入勿云

忠烈各臣

告老以彥暉代之諸軍伐宋彥暉累戰有功歲已未兵次武昌宋援兵四集彥暉逆戰有舟數十來挑戰彥暉逐之入湖中伏出圍彥暉數匝左右莫能近彥暉以短兵接身被重傷度不可免遂投水中敵援之出載歸江州見宋官不屈問以事不對竟死年五十六

陳

祐

寧晉人博究經史鄉黨尊師之既沒門人謚曰茂行先生歷官至浙東道宣慰使以

禦寇被執不屈死謚忠定

郭

嘉

漢陽人舉泰定進士累官禮部員外郎會遼陽騷動時授廣寧路總管既至賊勢日

張孤城無援賊遣使脅之降嘉殺其使開門督戰力竭死之謚忠烈

劉

天孚

大名人累官知許州有異政後遷知河中府適陝西行省丞相阿思罕謀叛舉兵至

河中天孚日夜修守戰具力竭城陷投河死詔謚忠毅

王士元

字堯佐恩州人泰定四年進士累遷知磁州值軍興餽餉需索日繁士元力為區畫

至為將士訶辱弗避也改濬州州濱黃河城堞不完至正十七年賊至兵悉潰散士元坐堂上

顧其子致微使避賊曰吾守臣居此職也若可逃生子侍立不忍去賊前問曰爾為誰士元叱

曰我王知州也強賊識我否賊欲縛士元士元奮拳歐賊賊怒并其子殺之

周

宏

遷安人為無極寧昌昌黎三縣尹在昌黎時程思中作亂宏率其民赴永平城拒守

城陷被執宏不屈七日不食罵不絕口而死

張

桓

藁城人累官監察御史以言事不合而去時盜起桓避確山賊強請為帥弗聽擁至

渠魁前桓據榻坐與抗論順逆衆粹桓起跪桓仰天呼罵遂被害賊後語人曰張御史真鐵漢也

李

齊

字公平廣平人元統初進士第一知高郵府有政聲時張士誠據泰州河南行省遣

齊往招降被拘久之縱歸已而有詔赦叛逆者士誠陷高郵不受命給曰請李知府來乃受命

後補人物志

忠烈名臣

齊往則囚之官軍進攻城士誠呼齊使跪齊怒叱曰吾膝如鐵豈為賊屈遂遇害時人悲之

趙弘毅

晉州人少好學嘗從吳澄游為國史編修官明兵入城弘毅歎曰我今但有一死報

國耳乃與妻訣曰吾父母俱死尚敢愛死乎遂公服亦與妻訣曰吾父母俱死尚敢愛死乎遂公服

北向再拜縊死

明

陳聚

趙州人幼從明太祖以功歷陞千戶靈壁之役大戰陣亡太祖深悼之廢其子為金

吾右衛指揮僉事

侯保

贊皇人以國子生知襄城縣坐南陽指揮雍善人命事落職襄民李仲等數百人赴

闕極陳清廉愛民之狀還職尋以取勘錢糧充潘陽戍未及役刑科給事中胡信以清廉撫民

才堪大用力舉之復除知贛榆縣歷陞交州知州以課最陞交趾布政司右叅政時巨賊為亂

保前後三十七戰生擒賊首三十四人後以衆寡不敵遂遇害人皆惜之

杜奇

北平人靖難兵初起欲廣置輔翼令舉賢良方正以各上奇極諫當守臣節上怒立

斬之並族其家

朱鑑

北平都指揮守大寧靖難兵至大寧諸將陳亨房寘皆降鑑力戰不支被縛罵不絕

口而死

馬宣

北平都指揮使靖難兵起殺張昇謝貴宣巷戰不勝東走薊州起兵西逆遇靖難兵

戰不利退守薊州出城再戰又敗被執罵不絕口死之建文君褒恤其家

侯泰

南和人累官至刑部尚書靖難兵起督餉山東東昌不守輜船陷沒還京成祖即位

泰至高郵被執下錦衣獄七月論死弟敬祖子玘皆論死籍其家

茅大芳

大興人博學能詩洪武中以儒士應辟典教淮南考績入朝召對悅之擢秦府長史

勉以董子輔相之業大芳感激額其堂曰希董  
建文君即位擢右副都御史靖難兵起遣詩進  
南守將梅殷云幽燕消息近如何聞道將軍志  
不磨縱有火龍翻地軸莫教鐵騎過天河關中  
世業蕭丞相塞上功勳馬伏波老我不才無  
補報西風一度一悲歌建文四年八月死之  
卓敬 浙江人徙滄州洪武戊辰進士歷任刑部  
尚書洪武中諫諸王踰制又疏上建文言  
燕王智勇絕人北平強幹之地宜徙南昌以  
絕禍萌後永樂欲大用敬不從被誅滅三族  
儲福 燕山衛軍年二十頗好義靖難兵入孳母  
妻逃去成祖即位詔挨購戍卒入伍福在  
錄中調曲精衛仰天哭曰吾雖一介賤卒義不  
為叛逆之臣在舟中日夜泣不輟竟不食死  
江洪 字德容萬全右衛人正統六年洪從太師  
往征麓川數與敵戰有功進階指揮使七  
年寇至江涓洪猝與遇馬陷泥淖中不能起棄  
之步戰自朝至日捕手刃六七人夜暗力竭死  
事聞褒贈仍廕子  
山為都指揮僉事

黃

綬

平谷縣人洪武末以奇童召見命送國子  
監讀書中宣德癸丑進士除拜山東道御  
史英廟北征綬疏言兵玩備弛敵鋒正銳陛下  
奈何以祖宗付託之身親犯危機乎不報扈駕  
至土木寨而師潰大

曹

鼎

字德恒寧晉人永樂時舉於鄉宣德丁未  
中會試乙榜例授代州學官疏辭不就謫  
泰和縣典史督部工匠入都乞會試中第二廷  
試一甲一名賜宴禮部授翰林修撰正統時累

官吏部侍郎文淵閣學士英宗親征也先鼎從  
之次白登王振促進兵從官噤無一語鼎曰臣  
子固不足惜主上繫宗社安危豈可輕進振不  
從南河之敗鼎及從臣五十二人皆死之景帝

孫

剛

宣府人守備永寧正統十四年秋敵逼獨  
宣府人守備永寧正統十四年秋敵逼獨  
剛率兵援之至中途  
遇敵以力寡不能當陣遂陷死之事聞遣  
官諭祭褒贈仍陞子二級建義烈祠祀之

後補入勿志

卷之第二十四

忠烈名臣

王敬 字子修延慶右衛人性亮直孤介行不類已者雖貴不與交初為指揮同知時永寧

指揮張澄同游學正李彝門講孫吳兵法彝死二人厚賻之言及輒流涕時人以其志同方陳

雷焉已巳雲州之役二人從守備孫剛住援剛遇敵戰敬與懷來百戶陳顯挺身蔽剛剛敬顯

俱死澄手刃殺三人隨亦被害詔贈祭有差

周賢 字思齋宣府前衛人幼襲父蔭為副千戶累立軍功明景泰五年進秩後軍都督僉

事克參將鎮守開平時值陝警詔賢率所部援之至野馬澗等處力戰六日生擒斬敵甚眾尋

復戰于榆林安邊營以援兵不繼遂死于敵事聞贈都督同知諡祭建祠廕其子為都指揮僉

事

吳瑾 嗣父爵為恭順侯天順初古亨侍功驕橫上頗疑之瑾侍英宗登翔鳳樓望見石亨

宅第壯麗以問諸臣眾不敢語瑾獨對曰此必王府也他豈借擬若此英宗愈疑瑾知曹欽謀

不軌詣長安門告變內廷縛吉祥且為備瑾同諸將分道擊賊戰于東華門為欽所害贈涼國

公諡忠壯

寇深 唐縣人天順時累官至都察院左都御史曹吉祥與黨欽謀逆焚毀禁門深攻之遇

害于西朝房事平贈少傅諡莊愍

周東 號雨村阜城人成化甲辰進士歷任北京大理寺少卿奉命陝西勘事死真鑄難詔

旌其忠烈賜諭祭

周麒 保安衛人正德間以正千戶赴京領搦得入內侍時江彬竊柄弄權一日武宗與彬

對奕彬言笑自若畧無忌憚麒適在旁因斥彬名責以大義彬惶恐無措武宗不憚而罷彬後

以他事中傷致麒死非命人多冤之嘉靖改元臺諫自其事贈麒指揮僉事命有司優恤其家

霍恩 字天錫易州人弘治時進士任河南上蔡令後劉瑾擅逆大盜群起河以南無完城

後補入勿志

忠烈名臣

吏多棄而不守恩本名將子知兵為戰守具甚嚴且備大盜齊彥名遣騎勒降恩退與妻劉訣誓死守下令不盡磔狗賊不休賊怒攻之數日恩力竭不支北面泣拜曰臣力盡矣城遂破賊執之令易服見賊渠思罵之及見迫之跪恩罵之跌坐地上罵不絕口賊引數人殺於前以嚇執拘一日挫辱百端勸誘千言始終不變曳至南城外以刃插恩口中脅之尤喃喃罵也遂遇害頸斷無血惟白氣一縷若龍騰而去數日後面色不枯目猶瞋蓋志堅而神不散也妻劉已先一日縊死矣事聞贈恩光祿少卿劉氏宜人建祠于祭葬樹石表闕謚忠烈

李

良字士賢保安衛人襲父廕為指揮同知勇力敢戰不矯飾不苛擾士卒皆服從之正德壬申將所部逐流賊于燕薊齊魯鄭衛間奏功十一次當路方議晉秩以旌之一日在陣馬足陷小窖中遂墜因被圍然猶射殺六賊竟不得出事聞上為悼惜賜諭祭贈三官廕其子准

孔

環南宮人正德中與袁貢知來安縣時逆瑾擅權環忤其黨竟為所陷左遷河南西華教諭六年大盜起霸州奄至西華城陷被執賊持刃迫之曰呼我大王即舍汝環厲聲罵曰賊奴我為國家臣恨不斬汝萬段以報國肯呼汝逆賊為王以求活耶遂被害事聞詔賜一子冠帶建祠西華祀之

王

鎮萬全右衛人嘉靖丁亥寇至葛峪及青邊羊房連絳數萬進至小沙窰梁時鎮以指揮使總千軍即率以禦之身先士卒自辰至酉連戰數十餘合殺傷過多以眾寡不敵力竭而死監司以死事列狀上聞予贈廕

宗

禮字周道京衛人嘉靖己丑武舉以武功顯戰歿贈都督同知謚忠壯

劉

傳蔚州人嘉靖庚寅守備赤城善撫士卒其年六月敵犯馬營傳率所部百十騎赴援

後補人物志 卷之第... 忠烈名臣